

**oBOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

**Broj: 01/1-12-Z/17
Kakanj, 12.10.2017. godine**

Z A P I S N I K

**sa 12. sjednice Općinskog vijeća – vanredne- održane 12.10.2017. godine (četvrtak) u velikoj sali za
sastanke Općinskog vijeća sa početkom u 9:00 sati
(sažetak zapisnika)**

Nakon intoniranja himne Bosne i Hercegovine, 12. sjednicu Općinskog vijeća – vanrednu otvorio je Slaven Katičić, predsjedavajući Općinskog vijeća, i pozdravio prisutne: općinske vijećnike i vijećnice, općinskog načelnika, pomoćnike općinskog načelnika, izvjestioce, obrađivače, predstavnike medija i goste.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Džemal Bećirhodžić, Aldin Šljivo, Edin Aliefendić, Mejrema Purišević, Muhamed Kubat, Senad Alajbegović, Izudin Hrusto, Haris Veispahić, Adnan Ibrahimspahić, Amar Selimović i Safet Šahman **(SDA)**

Semir Mušija, Rizah Haračić, Jasmin Mušanović, Mirnes Merdić i Mugdin Gorak **(SBB BiH)**

Mirsad Tursum, Rešad Merdić, Fahrudin Buza, Adisa Škulj i Zerina Kovač **(S BiH)**

Enes Piljug i Eldin Mijoč - **(SDP BiH)**

Nusret Muslić i Sedmedin Amidić **(DF)**

Slaven Katičić i Ivica Petrović **(HDZ BiH)**

Elvedin Delić **(A-SDA)**

Mujo Fafulić – **nezavisni kandidat iz reda nacionalnih manjina.**

Odsutan je bio Ahmed Begić **(SDP BiH)**

Predsjedavajući je konstatirao da je na sjednici u momentu prijave prisutno 29 vijećnika i vijećnica te da su se stekli svi potrebni uvjeti za validan rad i odlučivanje Općinskog vijeća.

Pored vijećnika sjednici su prisustvovali:

Nermin Mandra, općinski načelnik

Ferdo Mijač, sekretar Općinskog vijeća

Džihad Berbić, pomoćnik općinskog načelnika za finansije

Nurčo Kurtović, pomoćnik općinskog načelnika za imovinskopravne, geodetske poslove i katastar nekretnina

Rešad Zaimović, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Nurudin Hrusto – pomoćnik općinskog načelnika za civilnu zaštitu

Enver Kusić, sekretar organa uprave

Zijad Neimarlija, direktor Zavoda za planiranje i izgradnju općine Kakanj

Izjestioci, obrađivači, gosti

Munir Husika, predsjednik MZ Mramor

Predstavnici medija:

NTV IC Kakanj

Radio Kakanj

„Kakanjske novine“

„Naša riječ“

„Kakanjlive“

„Kakanj-x“

„Kaportal“

Utvrđivanje dnevnog reda

Predsjedavajući je za današnju sjednicu predložio dnevni red (PO POZIVU) koji je usaglašen na sjednici Kolegija Općinskog vijeća održanoj 12.10.2017. godine održanoj neposredno prije početka vanredne sjednice.

Usvojeni dnevni red:

- Prijedlog odluke o utvrđivanju javnog interesa u svrhu izgradnje dionice ceste Donji Kakanj-Kondžilo (od skretanja za naselje Mramor do mosta na rijeci Ribnici)

Tačka .

Prijedlog odluke o utvrđivanju javnog interesa u svrhu izgradnje dionice ceste Donji Kakanj-Kondžilo (od skretanja za naselje Mramor do mosta na rijeci Ribnici)

Predlagač: Općinski načelnik, Obradivač: Služba za imovinskopravne, geodetske poslove i katastar nekretnina; Izvjestilac: Nurčo Kurtović – pomoćnik općinskog načelnika.

U diskusiji su učestvovali: Rešad Merdić, Rizah Haračić i Sedmedin Amidić.

Rešad Merdić: je izrazio zadovoljstvo što je ova problematika konačno konkretizirana ponuđenim rješenjima te upitao da li su potrebne saglasnosti koncesionara na tom području i da li je dokumentacija kompletna. Također, postavio je pitanje da li su svi naredni koraci dogovoreni sa privrednim subjektima ili ima još nekih pregovora koje treba obaviti.

Općinski načelnik: je rekao da je procjena da će odobrenje za građenje dobiti krajem ovog mjeseca, najdalje početkom novembra. Nosioci izgradnje ove trase puta bit će „Trgošped“, RMU i Tvornica cementa. Što se tiče saglasnosti, saglasnost RMU ne treba obzirom da trasa puta ne prolazi kroz eksploataciono područje i obzirom da je ova dionica puta javni put. Naglasio je da se moraju pomiriti interesi mještana koji žive na tom području i privrednih društava kako bi na kraju svi bili podjednako zadovoljni. Dodao je da je procedura ubrzana i zbog imovinskopravnih odnosa i zbog toga što u tom periodu Tvornica cementa može svoje kapacitete usmjeriti na izgradnju.

Rizah Haračić: je izrazio zadovoljstvo što se ovaj problem konačno rješava i što se sa implementacijom žuri obzirom da su mještani dugo u teškom položaju. Izrazio je nadu da je ova trasa puta konačna jer je pomoćnik općinskog načelnika koristio izraz „alternativni put“ te dodao da bi ovo rješenje trebalo biti dugoročno. Ispred kluba vijećnika SBB rekao je da ovaj prijedlog podržava.

Sedmedin Amidić: je ispred kluba vijećnika DF rekao da će podržati prijedlog. Osvrnuo se na diskusiju prethodnika i tražio da se pojasni da li se radi o trajnom rješenju.

Općinski načelnik: je rekao da se radi o trajnom putu, ne alternativnom putu. Radi se o putu za Brnjic, a ne za Bijele Vode. Ovo je buduća trasa regionalnog puta Kakanj – Zenica. Ovaj put je već proglašen regionalnim ali nema trase i zato se žuri. U martu se taj put trasira u Kantonu i, ako se to desi, a prije toga ne napravi trasa, neće se istim intenzitetom ući u radove. Ovaj put će od marta preuzeti Kanton na upravljanje i stoga bi trebalo što više posla napraviti a potom tražiti i dodatna sredstva iz različitih izvora finansiranja.

Predsjedavajući je prijedlog odluke o utvrđivanju javnog interesa u svrhu izgradnje dionice ceste Donji Kakanj-Kondžilo (od skretanja za naselje Mramor do mosta na rijeci Ribnici) stavio na glasanje i nakon glasanja konstatirao da je isti usvojen sa 29 glasova za.

Sjednica je završena u 11:30h.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog zapisnika.

**SEKRETAR
OPĆINSKOG VIJEĆA**
Ferdo Mijač

**PREDSEDVAJUĆI
OPĆINSKOG VIJEĆA**
Slaven Katičić
